

幼
幼
集
成

六

中國醫學大成第十集

兒科類甲
兒科叢刊之一

幼
幼
集
成
六

上海大東書局印行

曹炳章

四

寶置圖帝以角 全六冊

中華民國二十七年五月初版

輯訂者 清·陳復正

發行人 沈駿聲
上海北福建路三三一號

印刷者 大東書局
上海北福建路三三一號

總發行所 大東書局
上海福州路三一〇號

分發行所
開封 安慶 常州 無錫 信陽
南京 北平 天津 漢口 梧州 西門
長沙 濟南 雲南 杭州 重慶
徐州 廣州 衡陽 哈爾濱
大東書局

幼幼集成

清 羅浮 陳復正 飛霞輯訂

鄞縣 曹赤電 炳章圈校

卷六

萬氏痘癰

成實證治歌

凡二十六首

起發之時漸作膿。毒隨膿化語無凶。或成空殼兼清水。毒氣留連慮晚攻。凡痘瘡自起發之後。血化爲水。水化爲膿。至此膿已成。毒已化矣。飲食如常。不亦吉乎。若當起發。殼中出清水。此氣至而血不隨也。治之當益其營。宜四物化毒湯。或內含清水。平塌不起。此血至而氣不隨也。當益其衛。宜保元化毒湯。或窠不浮腫。中含清水如水泡之狀。此氣血值虛。不能制毒。反爲毒逼。漸變癰塌。治之當托

其毒固其營衛。使無癢壅。以十全毒湯主之。亦有飲食如常。六腑充實。若見空殼清水之證。雖能收斂。未免發爲癰毒。不可不早治之。

膿成毒化笑顏開。猶慮形生變證來。莫謂清安無個事。風雲不測霎時災。毒瘡至成膿疱。此收功之時。手足常要和暖。過熱過寒者變也。人事常要安靜。煩燥悶亂者變也。六腑常要充貫。忽吐利者變也。聲音常要响亮。忽啞啞者變也。飲食要漸進。忽不食反作渴者變也。色要蒼蠟。形要飽滿。忽灰白平塌者變也。瘡要安和。忽癢痛者變也。或觸風寒。或犯禁忌。或傷食。或誤服湯丸。醫者當詳察其所因而治之。

四肢溫暖始相宜。寒熱乘常勢漸離。補瀉無偏能謹慎。折肱端的信良醫。凡痘瘡手足當要和暖。不宜太熱太寒。寒熱太甚。則水火偏勝而殘矣。假如病人六腑閉結。狂妄煩躁。口乾作渴。其脈洪數沉緊者實也。手足熱本病也。若手足冷。陽極似陰。謂之陽厥。下之勿疑。宜承氣化毒湯。若曾經吐瀉。其脈沉細微弱者虛也。手足冷本病也。若手足熱。乃陰極似陽。謂之陰躁。宜補之。回陽化毒湯溫之。

養漿安靜去堪誇。戰惕咬牙禍必加。痛癢躁煩並足冷。縱教仙手枉諠譁。
凡痘瘡已成漿。或寒戰。或咬牙。單見一證者可治。蓋寒戰因瘡出太甚。表虛而振
振搖動者有之。宜養衛化毒湯。
若咬牙者。必肝火甚。其牙相戛而鳴也。宜清神化毒湯涼解之。
若寒戰咬牙並作者。此陽脫神喪。不可治矣。若因瘡痛。由膿血稠急而脹痛者。宜
導神化毒湯。若吐利而手足冷者。宜回陽化毒湯。方見前更兼寒戰咬牙。悶亂煩
躁癢壅者。不治。

有膿有血毒歸瘡。端的其人正氣強。莫遇中虛生吐瀉。功虧一簣費治詳。
凡痘瘡成漿之時。不宜吐瀉。如吐而無物。惡證也。因衝任之火上沖於胃。直犯清
道而逆出之。爲不治。若吐而有物者。用養胃化毒湯和之。凡泄瀉視其所出之
物何如。若色黃而臭。小便黃赤。熱也。宜香連化毒湯。若瀉出之物清冷不臭。小
便清長。舌上無胎。寒也。宜理中化毒湯。如瀉久不止。不論冷熱。皆宜止之。通用
理中化毒湯吞荳寇丸。方見前
若吐瀉不止。手足厥冷。此脾胃之氣將絕。急宜用附子化毒湯。

其有無時溘泄。手足和暖。飲食如常。雖治之不止。亦可言無事。

身外諸瘡膿血成。咽喉自此貴寧清。反加噎水聲音啞。咽爛喉穿鬼伴行。凡痘瘡初出。失於調解。以致火毒熏蒸。喉舌生瘡。又失於解毒。其瘡稠密。然外瘡未熟。至於養水之時。則先熟者又先靨矣。所以咽喉宜漸和平。聲音清亮。飲食不難。此吉兆也。若當此時。飲水則噎。食穀則噦。甚者失聲。此內瘡糜爛。舌上成坑。咽門腐爛。肺管壅塞。以致呼吸皆廢。飲食卒絕而死矣。亦有先本無瘡。因誤食辛熱之物。或誤投辛熱之藥。其後旋生是證者。可急用甘桔化毒湯。服藥後病退者。吉不退者凶。或咽門無瘡而暴瘖者。此少陰之血不榮於舌也。宜養心化毒湯。若有聲而不清。此火毒乘於肺也。宜瀉白化毒湯。中病即可治。不中難治。

陷起平尖脚潤紅。窠不飽滿蠟漿充。自然氣色咸如式。略見差池便不同。

凡痘養漿之時。若平白中陷者盡。起頂平者盡。尖根脚紅活。窠不飽滿。其色蒼蠟。氣如蒸豆。自然安吉。蓋灰白雖爲膿之正色。亦由氣之不足。宜大補化毒湯。若因泄瀉而灰白者。宜固漿化毒湯。若其氣腥臭。此有溼熱。宜解其標。用解肌化毒湯。外以益元散薄敷瘡上。勿令至於潰爛可也。

正值成漿忽癢搔。用心調護莫辭勞。不分乾溼皆凶候。能食神清福自高。凡痘至成漿。切防搔癢抓破。以洩其氣。俗云抓破出血者吉。不出血者凶。殊不知起發之時。其瘡未熟而內是血。抓破宜出血。若養漿之時。其瘡已熟而內是膿。抓破有血無血。何足以定吉凶。大抵不宜作癢。如作癢而人清爽。自知其誤。抓破或言其癢。欲人拊之者吉。若癢而悶亂煩躁。語之不聽。禁之不止。搖頭扭頸。手足舞亂者凶也。如其人清爽。搔癢不住者。當視其形體虛實。未曾吐瀉者。宜四聖化毒湯。如元氣素弱而有吐瀉。宜參歸化毒湯。又要看其抓破處。復灌成瘡則吉。破而不灌。皮肉焦黑者。不可治也。

正面將膿早破傷。依然腫灌復成瘡。莫嗟敗面留殘喘。腫若消時愈斷腸。凡視痘瘡以正面爲主。蓋五臟精華皆聚於面。如他處瘡痘破損。正面完全。可言無事。若正面成片破損。別處雖完全。亦何益哉。若破處復得腫灌成瘡。膿血淋漓。却又無事。面雖敗。穿鼻破脣。但留殘喘耳。豈不愈於死耶。若破處不灌不腫。或腫而又消。煩躁悶亂。此毒氣倒陷。決不可治也。

眉心鼻準耳輪邊。脣口諸瘡貴活鮮。但有焦枯兼黑靨。慢求醫卜命難全。

凡痘欲成膿之時。眉心鼻準耳輪兩頰。若先有焦枯黑靨。此名倒陷。醫之不能。禱之無效。凶矣哉。

正待行漿。漿濯濯。惟愁乾塌成空殼。倒陷由來證本乖。勞君着意毋偏駁。凡痘自出現而起發。自起發而至養漿之時。便要成漿。如當養漿而反不成漿。依舊平塌。與本起發相似。或起發內有空虛。乾枯無水者。名倒伏。謂之倒者。膿根在裏也。謂之伏者。伏毒而不出也。謂之陷者。毒出而復入也。此等之時。人事清爽。飲食如常。當別而治之。小便大便秘結。壯熱煩渴。宜下之。承氣化毒湯。方見前若吐瀉不止。六脈虛弱。宜溫之。以回陽化毒湯。方見前若人事昏悶。寒戰咬牙。足冷腹脹喘促者死。

額上渾如沸水澆。溶溶破爛氣殘凋。漸延兩頰多虧損。泄盡元陽魂魄飄。凡痘初起發熱癢。額上似沸湯所澆之象。溶溶易破。不成顆粒。大片損爛。此因失下之過。毒火熏蒸。漸延兩頰。破損水出而乾。似靨非靨。則陽脫陰留。徒增煩悶。呻吟而死矣。

痘頭有孔出膿腥。結聚成堆雉屎形。此個未聞人救得。徒教醫禱恐無靈。

凡痘最要皮囊堅厚。包裹完全。若瘡頭有孔。膿水淋漓。漏出堆聚乾結。其色灰白。如天泡瘡及癩瘡之形。或清水非膿。無事自破。水出乾黑。未有能治者矣。

雖然痘密着牀久。瘡好皮堅無敗朽。如逢擦破更焦枯。任彼天人應費手。

凡痘稠密最難治。臂肘腰臀之間。其處久着牀席。展轉挨磨。若非堅厚。鮮有不破者。但破須要腫灌。若焦乾黧黑。如火燒湯潑之狀。必死。又見其人手足破爛成片。而不灌者亦死。

略見漿膿起發時。休教人物往來馳。邪風穢氣相侵觸。變亂無常悔却遲。凡痘瘡起發之後。漸漸養漿。卽當謹飾房戶。禁止人物。內者休出。外者休入。謹防穢厭觸犯。其瘡輕者。作痛作癢。變而爲重。重者癢塌抓破。煩悶而死矣。故房戶內外。常須燒蒼朮大黃。以避不正之氣。但二味氣味惡劣。不可使痘兒聞之。更不可焚燒諸香。蓋有能助火透入關節。所以禁之。其諸穢厭房事最毒。酒次之。五辛又次之。死屍之氣。烈於糞穢。狐狸之氣。甚於犬羊。烈風暴雨。亦能爲害。飲食之偏寒偏熱者。勿恣於口。天氣太熱。則薄其衣裳。常令涼爽。太寒則溫其蓋覆。常令溫暖。皆調理切要之法。不可不知。凡用僧道灑水滌穢。與醫家用藥。必用老成之人。旣

能清心寡慾。而且經驗復多。自能司人之命。凡被房事生產。月經所厭。以大棗燒烟解之。被酒所厭。以葛根茵陳燒烟解之。五辛所厭。燒生薑烟解之。被死屍疫癘厭。以蒼朮大黃燒烟解之。狐狸犬羊厭。燒楓樹毬烟解之。凡遇風雨。須燒楓樹毬以避溼氣。

膿血淋漓。心臟虛。舍空神亂。若邪居。睡中妄語難甦。省養血安神病自除。凡痘稠密成漿之時。或昏昏而睡。呼之不醒。口中喃喃妄語。如被邪祟之狀。時人不知。多生驚怪。殊不知此由濃血出多。心臟空虛。神無所依。而使當養血安神。病當自退。宜寧神化毒湯。與安神丸相兼服之。

瘡成腹痛。果何因。便秘腸中火爍津。又恐誤傷生冷食。消詳補瀉貴情真。痘出之初腹痛。乃爲毒氣瘡成。無膿而腹痛。未可以爲毒也。當審其大便秘。飲食何如耳。倘若未得大便。此燥屎在裏而痛。宜大黃化毒湯微利之。不可拘於首尾不可下之說。坐以待變也。若因誤傷生冷。或飲冷水而痛。宜溫中化毒煖湯之效。

瘡毒無邪證適中。忽然腹脹氣龍鳴。此因食飲多生變。消導天然不用攻。

凡痘順正。表裏無邪。膿血已成。可無苦矣。忽然腹脹氣喘。色變而煩悶者。必傷食得之也。何以知之。以其瘡正故也。宜消導之。用助脾化毒湯。

膿成盡說毒將升。誰料其間未足憑。飽滿堅牢誠可愛。塌平淫溼最堪憎。世俗之見。但知瘡痘已過一七。發起作膿。便言無事。不如膿成之時。尙未可憑信。若郭郭堅厚。膿漿飽滿。言其無事信矣。若平塌不飽滿。淫溼不堅厚。莫言無事。至於十二三日之後。尙有變異。延綿日久而有死者矣。

險逆諸瘡。且勿云。聊將順證語諸君。緣何業已成漿白。尙有凶危不可論。凡痘分三等。有順。有險。有逆。順者不須治。險者治之吉。逆者無可治。今除險逆不必論。然順者亦有成漿之日。反變爲險逆者。此何故也。蓋有失調理。觸犯禁忌。誤服湯丸。恃其輕少而不調護。故令輕者變重。此人事之害也。又有只出一二粒而殞命者。厲氣使然也。豈人能逆料者哉。

入方

四物化毒湯 治痘已起發。氣至而血不至。殼口出清水。

全當歸

正川芎

懷生地

白芍藥

大麥冬

牛蒡子

淮木通

生甘草等分

上薄桂減半

燈心爲引

水煎熱服

保元化毒湯

治痘血至而氣不至。內涵水色。萎而不起。

官揀參

炙黃耆

全當歸

正川芎

荊芥穗

上薄桂

牛蒡子

北防風

赤芍藥

炙甘草

粳米爲一撮

水煎服。

十全化毒湯

治血氣俱虛。窠囊浮腫。中涵清水如水泡。

官揀參

漂白朮

白雲苓

炙甘草

正川芎

當歸身

白芍藥

懷熟地

炙黃耆

上薄桂

牛蒡子

粉乾葛

生薑

大棗爲引

水煎服。

承氣化毒湯

治痘陽極似陰。手足厥冷。

小枳實

柴厚樸

川大黃酒炒

尖檳榔

生甘草

生薑三片

水煎滾熱服。

回陽化毒湯

治痘陰極發燥。手足大熱。

官揀參

青化桂

漂白朮

白雲苓

川附片

炙甘草

大棗爲引

水煎溫服。

養衛化毒湯

治痘出太甚。表虛而振戰。

官揀參

炙黃耆

柳桂枝

當歸身

炙甘草

生薑三片

大棗三枚

井水煎服。

清神化毒湯

治肝火太甚而咬牙。

綠升麻

懷生地

杭麥冬

淮木通

北防風

炙甘草

燈心爲十莖

水煎服。

導神化毒湯

治痘瘡太甚。膿血稠急而痛。以致咬牙。

淮木通

杭麥冬

黑梔仁

炙甘草

炒棗仁

鏡辰砂研

燈心爲十莖

水煎熱服。

養胃化毒湯

治成漿時吐嘔而有物。胃虛也。

漂白朮

廣陳皮

白雲苓

西砂仁

薑炒蓮

生薑一片

水煎服。

香連化毒湯

治泄瀉色黃而臭熱也。

南木香

炒黃連

結猪苓

漂白朮

炙甘草

燈心十根

水煎服。

理中化毒湯 治泄瀉所出之物。清冷不臭。寒也。

官揀參

炙甘草

漂白朮

白雲苓

黑炮薑

大棗三枚

附子化毒湯 治吐瀉不止。手足厥冷。脾胃將絕也。

熟川附

官參揀

漂白朮

炙黃耆

炮薑炭

炙甘草

炒米一撮

大棗爲一引

水煎溫冷服。

甘桔化毒湯 治誤食辛熱之物。或誤服熱藥。以致咽喉破爛。

大粉草

芽桔梗

鮮射干

淨連翹

牛蒡子

水煎入竹瀝和服。

養心化毒湯 治咽中無瘡而暴瘖。

大當歸

懷生地

大麥冬

綠升麻

天花粉

川黃蘗

漂蒼朮

荊芥穗

生薑一片

水煎服。

益元散

白滑石

一兩研細水飛

粉甘草

五錢

共爲細末。蜜水調敷。瘡焦痛。咽脂浸汁調敷。

四聖化毒湯

治成漿之時。忽然搔癢無吐瀉者。

淮木通

當歸尾

赤芍藥

北防風

柳楊桂

淨水煎服。

參歸化毒湯

治元氣素弱。又兼吐瀉而作癢。

官揀參

大當歸

炙黃耆

赤芍藥

桂枝梢

漂白朮

炙甘草

水煎服。已上二證。俱用熏洗法。熏洗二方。俱見前。

寧神化毒湯 治成漿後膿血去多。心虛神無主。口中譫語。

官揀參

當歸身

懷生地

大麥冬

淮木通

石菖蒲

赤芍藥

黑梔仁

燈心引

水煎服。

安神丸 治證如前。

炒川連 一錢

當歸身 一錢五分

白茯苓 一錢

炙甘草 五分

遠志肉 一錢

石菖蒲 一錢

炒棗仁 五分

共爲末。猪心血搗勻爲丸。如芡實大。辰砂爲衣。每次二三丸。燈心湯下。

大黃化毒湯 治漿成大便祕結而腹痛。內有燥糞。

綠升麻

當歸身

懷生地

火麻仁

光桃仁

鮮紅花

陳枳殼

錦大黃

尖檳榔

生薑爲引

水煎。空心熱服。

溫中化毒湯 治誤傷生冷冷水而腹痛。

官揀參

公丁香

南木香

漂白朮

青桂心

炙甘草

炒白芍

西砂仁

小枳實

廣陳皮

炮薑炭

大棗

生薑引

水煎服。

助脾化毒湯 治飲食過傷。抑遏脾氣。所以腹脹而喘。

廣陳皮

法半夏

川厚朴

陳枳殼

家蘇子

蘿蔔子

尖檳榔

生薑爲引

水煎服。

收靨證治歌 共十五首又十六方

收靨難拘日數文。但憑稀密實虛分。緩收循序多堅穩。大急須防餘毒熏。痘瘡收靨不可以日數拘也。大抵痘稀元氣實者。易出易靨。痘密元氣虛者。難出。

難醫。只要循序緩收。倘收太急。乃毒熬煎。血氣枯焦。非正收也。必發癰毒怪證。甚則喪軀微則成形矣。

人中上下別陰陽。收靨先於此處良。若是額顙先靨黑。多凶少吉早隄防。人中者。督任二脈交會之衢。痘疹先從此處出。壯收靨爲陰陽和暢。若於額顙手足心先靨。乃邪氣攻心莫救。

收靨從來貴整齊。臭腥煩爛便蹺蹊。其間順逆宜詳審。慎勿逡巡當局迷。痘瘡收靨貴於整齊。乾如螺靨者上也。頂破膿出。結如雞屎者次也。破爛無痂者下也。凡遇此等收靨。便須詢察。曾犯何逆。如血氣未實。誤投補藥。以邪得補。反潰正氣。如火爍爛。宜天水散解之。則邪火退而收靨齊矣。如初飲冷水。浸淫脾胃。以致收靨不齊。以除溼湯滲之。則內滲其溼。外燥其表。令好收靨。若頭面潰爛。其氣腥臭。及遍身手足和皮脫去。宜分順逆。果膿成毒化。飲食如常。更無他苦者。順也。膿水未成。是名倒靨。未可量其吉凶。

痘到收時膿自乾。封藏收斂殼團圞。莫教腐爛和皮脫。此個還將倒陷看。痘瘡成膿之後。結爲螺靨。此毒從外解。若不能結痂。反成腐爛和皮脫去。此倒陷

毒氣入內也。

但逢倒陷毒深潛。復腫翻生始不嫌。頭面腫消空未補。剝膚災近易先占。凡痘倒陷。係中氣不足。急用溫中托裏湯托之。服藥後破者。復加腫灌。無灌處又復出一層。謂之補空。俗云翻生痘是也。此正氣不虧。邪氣不留。雖過期延日。不爲害也。如頭面不腫。空處不補。卽易所謂剝牀。以膚切近災矣。安可爲哉。

靨時自利。忽然侵順。逆中間仔細尋。膿血痂皮爲順候。不分水穀定歸陰。收靨之時。忽然瀉痢。若膿血痂皮之物。此脾強腎弱爲順候。痢盡自愈。不可強治。若不分水穀。此腎強脾弱爲逆候。用炒米湯送荳蔻丸。痢止則吉。不止則凶。荳蔻丸方見前。

過期不靨事蹺蹊。臭爛渾身靨不齊。黏席黏衣何所治。白龍敗草指羣迷。凡痘成膿之後。過期不靨。潰身潰爛。以致黏席黏衣。用白龍散敗草散。襯貼鋪床最佳。

收靨遲延須急治。勞君察證毋拘執。縱意違師徒自傷。臨危施濟終難及。凡痘當靨不靨。須要詳審。不可忽略。如冬寒之時。蓋覆少薄。被寒風鬱遏。不能靨。

者。宜桂枝解毒湯疏解之。如夏月衣被太厚。熱氣熏蒸不能醫者。宜去其衣被。少令清涼。用甘露解毒湯清之。倘一向大便秘結。裏熱太甚。不能醫者。宜當歸解毒湯微利之。膽導法尤妙。如泄瀉氣虛不能醫者。此只收醫不齊。俗呼坐漿乾也。不須妄治。如元氣素弱。以致難醫。宜參歸化毒湯解之。

膿水將乾結。醫時休教愚昧失支持。不知禁忌多翻變。却似爲山一簣辭。世俗於痘收醫之時。卽殺雞食之。或薑椒之類。謂其和暖。殊不知雞屬巽。能動風。辛能助火。脾胃強者無害。弱者反動火邪。以致發癰傷胃。口舌生瘡。則至壞病者有之矣。又或宜溫而過熱。宜涼而過寒。皆爲犯禁。亦能生變。切宜慎之。

一向渾身涼。且和。醫時忽熱事如何。微微發熱乾膿水。大甚焦枯病轉多。痘瘡始終要有微熱。不可盡去。若收醫之時。反大熱作渴煩躁。此毒在內。更防陷伏。急用生津涼血葛根湯以清之。

破瘡復灌依然爛。及至收成功愈漫。淋漓膿血苦難當。大補湯丸君莫憚。凡痘瘡犯着皮嫩易破。本不治之證。但破損之後。重復腫灌。此正氣尙強。毒不能

入而發於外。亦當依期收靨。設不能靨。乃正氣被邪氣剝削。雖能逐邪出外。不能逼邪成痂也。急宜大補湯溫之。不可因循。反生災變。

數個頑瘡不肯收。犯時鮮血却長流。如逢此證休輕易。破膜傷筋命必休。痘瘡破損。灌腫作痛。不能乾水。一名疔觸瘡。一名陽瘡。犯着卽出血不止。乃難治之證。內服大補湯。訪見外以綿繭散敷之。若逡巡不治。以致灌傷筋骨穿膜破空。夭人生命者多矣。

灌瘡滿面血膿多。敗面傷睛奈若何。却在良醫施妙手。調和中外起沉疴。如面瘡破爛。反復腫灌。膿血浸淫。却防壞眼。殘形宜升麻解毒湯清之。

痘瘡抓破狀多般。出血成坑水更乾。搔癢焦痕微小事。傷筋潰肉便形殘。

其痘瘡抓破之證。非一有破而出血者。陽瘡也。宜當歸涼血散解之。有破而無水便乾枯者。此陷伏也。要瘡復灌。內復腫者爲佳。內服托裏回生散。有破而成坑者。此內陷也。內服托裏回生散。外用白龍散敷之。訪見若不詳審。已上三症治之。微則殘形。甚則傷命。

收靨依期更着痂。或時戰慄或言邪。三元正氣將回復。不必延醫不必嗟。

凡痘欲收靨之時。痂皮圓靜。但時或戰慄。語言妄談。此爲正氣將復。不能自持。不必憂疑。須臾自定。

入方

天水散 治痘誤投補藥。反潰正氣而不收靨。

白滑石

水飛一兩

粉甘草

細末五錢

共研勻。蜜水調以鵝毛蘸藥。拂拭瘡上。

除溼湯 治脾胃受溼。收靨不齊。

川羌活

漂蒼朮

北防風

淮木通

結猪苓

宣澤瀉

漂白朮

赤芍藥

上薄桂

各等分

淨水煎服。

溫中托裏湯 治痘瘡尙未收靨。忽然倒陷。中氣虛也。

官揀參

炙黃耆

炙甘草

牛蒡子

當歸身

淨連翹

上薄桂

杭青皮

南木香

各等分

大

棗

三枚爲引

水煎服。

白龍散

治瘡痘渾身破爛。不能懷抱者。

用乾牛屎燒灰。取中間白者。研末。師過敷爛處。

敗草散 用茅屋上爛茅燒灰。研細篩過。鋪於席上。任其展轉。此草多於受霜露。

功能解毒故也。

桂枝解毒湯 治痘爲風寒鬱遏。不能收靨。

上薄桂

赤芍藥

牛蒡子

北防風

淨蟬蛻

生薑

大棗引

水煎服。

甘露解毒湯

治夏月天氣炎熱。暑氣熏露。不能收靨。

結猪苓

宣澤瀉

大麥冬

淮木通

小猪苓

地骨皮

上薄桂

淨連翹

炙甘草

水煎熱服。

當歸解毒湯

治裏熱太甚。大便秘結。不能收靨。

懷生地

大當歸

火麻仁

陳枳殼

淨連翹

酒大黃

紫草茸

淨水煎。空心滾熱服。

膽導法 治大便秘結。燥血不潤腸。以此通之。不損元氣。

用大猪膽一個。以小竹管插入膽內。以線扎定。吹氣令滿。另以線打活結。收住其氣。以竹插入穀道內。解去活結。捏其膽。令膽汁射入腸中。直待氣透。然後去膽。便即通矣。

參歸化毒湯 治元氣虛弱。瘡不收靨。

官揀參

炙黃耆

當歸身

牛蒡子

炙甘草

水煎服。世人不知此等關係。視若泛常。不早求治。待斃而已。悲夫。

生津涼血葛根湯 治收靨忽然大熱煩渴。此裏有毒也。

粉乾葛

天花粉

地骨皮

當歸梢

淮木通

淨連翹

牛蒡子

酒黃芩

北柴胡

淡竹葉

大揀參

炙甘草

各等分

水煎熱服。

大補湯 治痘破爛復灌。元氣傷殘。不能收靨。

官揀參

炙黃耆

當歸身

淨連翹

上薄桂

牛蒡子

炙甘草

各等分

大棗

爲引

淨水煎服。

蠶繭散 治痘瘡破爛。水不能乾。犯之血出。

用出子蠶蛾綿繭。不拘多少。以生白礬搥碎。納入繭內。炭火煨之。待礬汁研末。

乾研瘡上卽安。

升麻解毒湯 治面瘡破爛復灌。膿血不乾。

綠升麻

香白芷

酒黃芩

淨連翹

淨蟬蛻

淮木通

牛蒡子

密蒙花

白蒺藜

荊芥穗

北防風

大當歸

炙甘草

各等分

燈

心爲引

水煎熱服。

當歸活血飲

治痘瘡抓破而出血者。

當歸尾

鮮紅花

酒黃芩

淨連翹

炙黃耆

官揀參

地骨皮

牛蒡子

炙甘草

生甘草

燈

心爲引

水煎熱服。

托裏回生散

治痘瘡破而無水。即便乾枯者。

炙黃耆

大當歸

淨連翹

上薄桂

牛蒡子

炙甘草

各等分

淨水煎入燒過人尿調服。

落茄證治歌

凡五首共三方

痂皮應落偏遲落。但恐過時還作惡。補脾實表有奇功。未可逡巡輕棄藥。收靨之後。痂殼自殘。若黏着皮肉不脫。乃表虛也。尤當禁忌。不可因循。恐生他變。宜調元固本湯治之。

收靨之時不落痂。昏昏喜睡莫咨嗟。只因脾胃多虛弱。調治專從戊己佳。此證乃脾胃虛而好睡也。胃屬戊土。脾屬己土。主健脾開胃。調元清神湯醒之。落痂之後察瘡癥。盤音平整紅鮮日漸安。若是凸凹兼黑黯。好將敷藥補形完。其瘡落痂之後。癥痕平整紅活者吉。若癥肉凸起。或凹陷紫黑。吉凶未可知也。用滅痕散敷之。

瘡痂自落何勞急。搏指須防邪氣襲。他年終作血風瘍。此際浸尋空涕泣。痂落依期不必憂。統何頭足更遲留。陰陽孤獨如鰥寡。安得同時取次收。凡陽生者以陰成之。陰生者以陽成之。經曰。孤陽不生。孤陰不成。其瘡收靨。自人中平分上下髮際以上。陽之陽也。謂之孤陽。足膝以下。陰之陰也。謂之孤陰。所以瘡之收靨。至此二處。每每遲留。不能便乾。不可服藥。聽其自然則吉。

入方

調元固本湯 治痘痂粘肉不脫。

官揀參

炙黃耆

當歸身

淨蟬蛻

炙甘草等分

生薑

大棗引

水煎服。

調元清神湯 治痘痂粘肉不脫而昏沉好睡。

官揀參

炙黃耆

大當歸

杭麥冬

廣陳皮

炒棗仁

炒川連

炙甘草等分

大棗爲引

水煎服。

滅痕散 治痂落癰肉凸起紫黑。

密陀僧研爲細末。以乳汁調搽瘡疤。如無乳汁。蜜調亦可。若此藥搽上。凸凹者自平。紫黑者自退。應效者吉。不應効者凶。

痘後餘毒證治歌 凡三十一首 共四十六方

借問何爲痘後癰。只因平壅少成膿。毒邪蘊聚難消散。透節尋開出要衝。凡痘初出一點血。由血而化至膿。膿成而毒解矣。若出形之後。應起發不起發。應成膿不成膿。一片空殼。狀如蛇皮。或平壅破損。都無膿水。本爲死證。緣其人脾胃素強。又能飲食。亦可以引日收效。只是毒邪蘊蓄於裏。必尋出路於關節之間。而爲癰腫。但發一二處可治。若流注於手足。發之不止。腫灌不愈。久而死。

痘癰生要明經絡。解毒調元兼裏托。決膿去毒急施功。莫待殘形變爲惡。癰之發先審在何經絡。分氣血多少而治之。次看人之虛實。以解毒托裏爲先。不可亂施敷藥。以致毒不得出。內火筋骨而成壞證。如腫而未成膿者。用必勝膏貼之。已成膿者。將鉗針決破其膿。以生肌散敷之。若腫毒而元氣素弱者。以十六味流氣飲流通之。若氣血虛而泄瀉者。如附子以溫之。若元氣素弱者。用連翹解毒湯主之。如癰毒日久。膿血去多者。以十全大補湯扶元解毒。惡證無如痘後丹。皮膚蘊火毒相干。看他所發歸何部。心腎之經治亦難。赤火丹瘤。惡候也。流移紅腫。其痛手不可近。痘瘡之後。有發丹瘤者。因蓄火太甚。不能發洩。鬱於肌肉之間。故發而爲丹。從頭上起過心卽死。從足下起過腎卽死。

內服玄參化毒湯解之。外用磁鋒砭法。

癰疹何爲痘後呈。肌膚蘊毒未全清。若教發盡無停滯。免得重重怪證生。癰者皮膚間隱隱成疙瘩也。俗人謂之風丹。疹者皮膚點點。狀如蚊蚤咬迹也。痘後發癰疹。因毒火未發。盡藏於皮膚之間。或搔癢因抓而成。或因受風火相搏而成。皆吉兆也。正欲其發洩。無使停留。以變他證。如發太甚。內服防風敗毒散。外以益元散拭之。益元散方見前。

痘已收成靨不乾。或時前血病難安。從前毒氣藏肌表。觸肉傷肌不忍看。此與前頑瘡不收相同。凡覺痘瘡當面不靨。卽防此證。當內服大補湯。外以綿繭散敷之。綿繭散方見前。

翳膜何爲眼內攢。怪他熱毒壅於肝。還睛去翳多奇術。點洗徒招廢棄端。小兒出痘之時。卽用黃藥膏和胭脂塗眼。防斑瘡入眼也。但斑瘡入眼。本不在初。多在收靨之時。或滿面破爛。重復腫灌。膿血膠固。毒火鬱蒸在內。其斑瘡入眼。或瘡出已甚。成就遲緩。醫用辛熱之藥發之。亦令斑瘡入眼。又或收靨之時。喜啖辛熱。謂之乾漿。以致二火相煽。亦令斑瘡入眼。但在白珠上不必治。久而自去。惟在

黑輪上者。或掩蔽腫大。急用密蒙花散治之。

兩目今朝忽畏明。脾虛邪火暗傷睛。涼肝養血功無比。能使雙眸炯炯清。凡痘後雙目見明不開。暗則開者。謂之羞明。宜涼肝明目散治之。若向暗處亦不開者。却防目中有瘡。當如上法治之。

收後緣何便下紅。多由倒陷毒歸中。利完膿血應須愈。強治翻爲聚怨叢。膿血痂皮一路來。任他自止莫疑猜。和中清熱施纔着。劫澀輕投病轉乘。痘後忽利膿血。待其自止。然後用和中清熱之劑。不可使用止澀。但痢勢甚者。宜黃連解毒湯清解之。膿血盡後。宜和中湯。

痘證從前無倒陷。緣何膿血利無時。大腸鬱火多滯毒。解毒通腸貴早施。痘無倒陷之證。却有膿血之痢。由於平日食煎炒。素有積熱。今因痘後氣血虛。不能脫積。故痢膿血也。此名滯下。必然腸鳴作痛。裏急後重。或因痘出之後。飲食太多。水停作泄。熱毒乘虛入裏。便下膿血。此名腸垢。宜調胃承氣湯以徹其毒。次用黃芩湯調其陰陽。

最怕收成嘔噦頻。咽疼胃弱毒潛湮。錯喉嚨水宜施治。乾噦無聲鬼作鄰。

有聲有物謂之嘔。有物無聲謂之吐。有聲無物謂之噦。食穀卽吐謂之錯喉。飲水而噦謂之噎水。今痘後凡有此等。由熱毒壅塞胃口。故令嘔吐。咽門澀塞。故令錯喉。噎水也。惟乾嘔乃胃瘡腐爛。不能納穀。故時時張口。似吐不吐。乃不治之證。亦有咽喉作痛而嘔吐失聲者。乃咽喉腐爛。亦不可治。惟但嘔吐。陳皮竹茹湯。咽喉痛。甘桔湯。

身已清安熱不除。或因毒甚。或元虛。調元解毒分投用。寒熱分明效自如。痘既收靨。則毒解而熱當除矣。如熱一向不已。非毒氣之餘烈。必元氣之素虛。惟以脈辨之。如脈數形勇。煩躁而熱。此邪氣實也。宜知母解毒湯。如脈遲形怯。熱而喜睡。此正氣虛也。宜黃芩調元湯。

收後渾身一向溫。忽然發熱。細評論。內傷外感須分治。此個真機妙法門。痘靨之後。一向溫暖和平。並無餘熱。今忽發熱。不可以餘毒未解。正氣之虛同論。必因外感風寒。其證頭目昏痛。惡寒脈浮。宜桂枝湯。或因內傷飲食。其證肚腹飽悶。不喜飲食。其脈弦滑。以補中益氣湯加消導藥而運用之。

食飲如常。腹裏疼。蓋由脾弱化難能。看他虛實行消導。方顯明良三折肱。

收靨之後。忽然腹疼。或嘔或泄。不思飲食。此傷食之症。虛則用補中益氣湯治之。如無吐痢腹痛氣急。宜丁香脾積丸下之。若腹滿而痛。煩悶不寧。此毒火入中。急用雄黃解毒丸利之。不然。漸加喘急。手足厥冷。則治難矣。

收後緣何食不思。偶然傷食。少人知。補脾消導爲良法。強忍成疳。悔後遲。一向能食。收後反不能食。聞食氣卽嘔逆。此必食傷。甚則以脾積丸治之。方見微則以保和丸調之。若隱忍不急求治。久則體瘦。漸成疳癆矣。

寒熱纏身似瘧。侵不分早晚。應期臨。只緣脾腎多虛弱。補氣升陽貴斟酌。此因痘後氣血兩傷。陰虛則內熱。陽虛則外寒。乍寒乍熱。儼然瘧疾。切不可爲瘧治。但以補中益氣湯升舉之。其病自愈。

收後渾身手足寒。好將氣血作虛看。六經脈細如將脫。急早回陽病自安。凡痘收靨之後。手足厥冷。六脈沉細。元氣大虛。急用調元生脈散以溫之。稍用寒涼。必取敗亡也。

強打精神睡思昏。終朝何事不惺惺。此因毒解神虛倦。氣血和平體自寧。收靨而好睡。乃毒解神虛。此常事也。不必調治。有等苟且之流。欺人不知而取利。

庸下之徒。妄用湯丸而致禍者。戒之戒之。

睡思沉沉不識人。恍疑中酒妄言頻。只因熱伏心包絡。保護心君妙入神。痘收後昏睡連日不醒。口中妄語。或有醒時。亦似醉人。每多錯語。此執邪收心。心君不肯受邪。傳於包絡。宜導赤解毒湯清之。或用安神丸亦佳。

收靨之餘。搖擲榮。因其火毒未全清。清心散火風應退。發作無休。命必傾。痘出發熱作搖。此常候也。若收靨之後。反發搖者。乃瘡發未透。毒火內侵故也。然此候發於收靨之後。血氣已衰。治之甚難。宜清神散火湯。如藥對病者可治。若連發不已。死證也。

身已康寧手足攣。分明血少致斯愆。補脾養血誠仙訣。不遇知音莫浪傳。凡痘後手足忽然攣拘。不能屈伸轉運。乃血少不能養筋。又或外被風寒水溼。以致然耳。不可用發散併疏風之藥。以耗其血。只宜當歸桂枝湯補脾養血。則手足自和。

痘後還愁咳嗽多。總由毒火肺中磨。清金降火兼調氣。肩息胸高若命何。痘疹之後。惟肺受傷。至於收靨毒解。宜平寧矣。若反咳嗽喘急。乃毒火流入肺中。

自當清金降火。宜寧肺湯。保肺解毒。服藥嗽不止。胸高龜殼肩息者不治。

忽爾渾身腫脹形。或風或水食偏停。腫因肺受宜清表。脹屬脾家利解寧。

痘收之後。或面目浮。四肢腫。此屬於肺。因表虛而受風寒。仍宜汗解。用加味五皮湯。若腹脹如鼓。眼胞微腫。此屬於肝。由脾胃虛。飲水過多。蓄滯於內。所食過多。積熱於中。仍宜利解。宜厚樸湯。倘屬虛脹。不可妄攻。但宜萊菔子丸。

小便宜清偶澀遲。膀胱蓄熱少人知。不將導赤爲良法。只恐遷延有變時。凡痘疹小便始終宜清。若收後不利。此熱積膀胱。宜加減導赤散以清其心。

便貴滋榮乍覺難。誰知腸胃液津乾。潤腸膽導宜兼用。縱有餘邪便後安。

凡大便秘結。須宜潤澤。一二日一次爲佳。若至於收靨後而大便秘結。乃痘出太多。血枯氣不潤腸。宜潤腸丸兼膽導法。見前方

腠理疎通兩汗傾。衛虛榮弱兩無情。建中自汗陽偏勝。盜汗歸黃六味平。

經曰。衛氣者。所以溫肌肉。充皮毛。肥腠理。司開閤也。痘瘡之後。衛氣受傷。故收靨之後。衛弱而汗出也。醒時常出爲自汗。宜建中湯。睡着而出者爲盜汗。當歸六黃湯。

血在身中本自寧。火邪迫血。血違經。鼻中細出。堪調治。便尿中來。命不停。痘收靨後。忽見血證。大爲危候。蓋鼻血出於肺。吐血出於胃。溺血出於小腸。便血出於大腸。皆由毒入於內。迫血妄行。急宜涼血。地黃湯止之。服藥後。而不止者。不治。

忽吐蚘蟲。證已非。要知內熱。又常饑。但聞食臭。蟲斯出。嘔吐心煩。蟲作威。傷寒吐蚘。責之胃寒。痘證吐蚘。責之裏熱。由熱毒拂鬱於裏。又不能食。蟲無所養。但聞食臭。卽湧出者。宜黃連止蚘湯。

炎炎胃火成疳。蠲辛熱。煩飡陽毒熾。牙齦臭爛。怕穿腮。藥有神功。休論值。凡痘瘡後。牙齦生瘡。時時出血。謂之牙宣。呼吸息臭。謂之息露。此走馬牙疳也。由熱在陽明少陽。宜內服洗心散。外以蠶蛻散敷之。如舌上生瘡。赤者謂之赤口瘡。此熱在心脾二經。內服洗心散。外用陰陽散敷之。其瘡白者。名白口瘡。又名鵝口瘡。此熱在心肺二經。亦服洗心散。并以硃礬散敷之。

食飲緣何不發肌。多因氣血兩相虧。和平丸散常宜服。偏熱偏寒愈見離。凡兒素常肌肥。痘後羸瘦。雖能飲食。而不發肌膚。須血氣虛故也。治之須兼陰陽。

不可偏勝。偏陽則傷血。偏陰則傷氣。愈見乖離矣。陰日宜服參苓白朮散。陽日宜服當歸益榮丸。

痘後分明皮肉嬌。切宜保護在昏朝。風寒暑溼常宜避。洗拭搗搗禍莫饒。痘後中虛食易傷。辛香生冷莫輕嘗。若貪口腹渾無忌。犯却中和變內傷。此二條言收後調理之法在外也。皮慮薄嫩。易於感冒。若不避風寒暑溼。梳洗搏抬。則至於癰腫者有之。生瘡癬者有之。在內也。腸胃並弱。難於消化。若不分生熟軟硬寒熱涼溫。任意食之。則成脹滿者有之。至於連痢者亦有之。可不慎歟。

入方

必勝膏 治痘癰初腫而未濃者。

馬齒莧 取汁

公猪膽 熬油

好冬蜜

三味等分。同入砂鍋內熬成膏。厚塗腫上。

生肌散 治痘癰已成濃。破爛不能收口。

香白芷 一錢

石龍骨 五分

浙貝母 二錢

赤石脂 一錢

新白朮 一錢

共爲極細末敷。

十六味流氣飲 治痘癰腫痛。元氣素虛者。

官揀參

大川芎

當歸身

赤芍藥

北防風

南木香

炙黃耆

上薄桂

香白芷

芽桔梗

尖檳榔

川厚樸

台烏藥

紫草茸

陳枳殼

炙甘草

氣血虛而瀉利者。

加熟附子。大便秘結者。加曲蒸大黃。

淨水煎。半饑服。

連翹解毒湯

治痘癰腫痛。能食而元氣強者。

淨連翹

香白芷

大川芎

當歸尾

赤芍藥

牛蒡子

穿山甲

炙甘草

各等分

淨水煎服。

屬太陽經者。本方加川羌活漢防己。

屬陽明經者。本方加綠升麻粉乾葛。

屬少陽經者。本方加北柴胡枯黃芩。

屬太陰經者。本方加青化桂北防風。

屬少陰經者。本方加川黃連。淮木通。屬厥陰經者。本方加北柴胡。杭青皮。

予按但云六經加味。而不指明處所。未免闕略。今分晰之。以便治療。

太陽經所屬。項背腰臂足外。膝足踇。

陽明經所屬。額眉眶面胸兩乳牙齦。

少陽經所屬。左右頭角耳前左右兩脇腋。

太陰經所屬。中腕四肢兩足肘。

少陰經所屬。臍腹手足心。手足內。膝足跟。

厥陰經所屬。頭項小腹男婦陰器。

十全大補湯 治痘癰破爛。膿血去多。速救元氣。

官揀參

正川芎

當歸身

赤芍藥

懷熟地

白雲苓

炙黃耆

青化桂

香白芷

金銀花

淨連翹

炙甘草

生薑

大棗

爲引

水煎服。仍照以前加入引經藥。凡見癰毒。以上法治之。不可因循。恐成大患。微

則殘形。甚則殞命。

玄參解毒湯 總治痘後餘毒。十種火丹。

潤玄參

當歸尾

懷生地

鮮紅花

淨連翹

地骨皮

熟石膏

赤芍藥

北防風

淮木通

荊芥穗

淡竹葉十片

水煎。熱服。

磁鋒砭法 法見四卷丹毒門。

防風敗毒散 治痘後身發癰疹。出而過多者。

北防風

赤芍藥

綠升麻

粉乾葛

生甘草

燈心引

水煎。熱服。

大補湯 治痘靨而不乾。犯之出血。

官揀參

炙黃耆

當歸身

淨連翹

上薄桂

牛蒡子

正川芎

杭白芍

香白芷

炙甘草

大棗
三枚
爲引

水煎服。

密蒙花散 治斑瘡入眼。翳障瞳人。

密蒙花

酒洗五錢

穀精草 五錢

淨蟬蛻
去翅足洗淨
乾五錢五分

望月砂

炒一兩

共爲細末。用臙豬肝一兩。竹刀剖開。每用末藥一錢。擦在肝內。水煮肝熟。飲湯食肝。神效。不可輕用。點洗之藥。反成廢棄。

涼肝明目散 治痘後雙目羞明懼日。

當歸身

草龍膽

北柴胡

正川芎

北防風

密蒙花

酒黃連

用臙豬肝煎湯。煮藥服之。

黃連解毒湯 治痘後患痢。其熱甚者。

酒黃連

酒黃芩

陳枳殼

當歸尾

酒大黃

生甘草

水煎滾。熱服。

和中湯 治痘後患痢。膿血既清。以此和之。

官揀參

大當歸

陳枳殼

淮木通

炙甘草

生薑

大棗引

水煎。溫服。

調胃承氣湯

治痘後熱毒作痢。腹痛裏急後重。

陳枳殼

錦莊黃

尖檳榔

生甘草

生薑三片

水煎滾。熱服。

黃芩湯 治痘後痢。以經下後。以此調其陰陽。

酒條芩

酒黃連

當歸身

大川芎

淮木通

南木香

赤芍藥

炙甘草

水煎服久不止。加綠升麻。腹痛。加酒大黃。

陳皮竹茹湯 治痘後嘔吐。有聲有物。

雅黃連

用吳茱萸同炒去吳茱萸用連

正廣皮

白雲苓

竹

茹爲一團引

水煎熱服。

甘桔湯

治痘後餘毒不清。咽喉塞痛。

芽桔梗

君

大甘草

君

牛蒡子

臣

燈

心爲引

水煎服。

知母解毒湯

治痘後餘邪作熱。

淨知母

懷生地

熟石膏

地骨皮

酒黃芩

牛蒡子

綠升麻

天花粉

生甘草

淡竹葉

爲引

水煎熱服。

黃芩調元湯

治痘後元氣怯弱。虛熱身倦。

官揀參

酒炒苓

大麥冬

當歸身

炙甘草

生薑

大棗

引

水煎服。

桂枝解肌湯

治痘後熱已盡除。忽因外感作熱。

柳楊桂

赤芍藥

片黃芩

官揀參

粉乾葛

北柴胡

炙甘草

生薑

大棗

竹葉爲引

水煎服。

補中益氣湯

治痘後久已無熱。因傷食發熱。

官揀參

炙甘草

漂白朮

廣陳皮

小枳實

杭青皮

南木香

六神麴

老麥芽

炙黃耆

生薑

大棗爲引

水煎服。

丁香脾積丸

治痘後傷食。腹痛氣急。

京三稜

去毛醋煨熟

蓬莪朮

去皮如製

公丁香

南木香

已上各五錢

杭青皮

去穢

肥烏梅

連核燒存性

猪牙皂

燒存性已各三錢

巴豆仁

四十九粒煨去油極淨

共爲細末。醋煮麵糊爲丸。如菉豆大。每服三九。或五九七九。量兒大小。白湯送下。

雄黃解毒丸 治痘後傷食腹滿而痛。煩悶不寧。

明雄黃另研一錢

川鬱金三錢

巴豆霜一錢

共爲末。米糊丸。菉豆大。小茴香煎湯。下三五丸。

保和丸 治痘後一向能食。今不思食。聞食氣卽嘔。

官揀參切焙

漂白朮各三錢

白雲苓一錢五分

炙甘草

山查肉各一錢

六神麴一錢

老麥芽一錢

共爲細末。米糊丸極小。每服一二錢。米飲下。

補中益氣湯 治痘後脾虛寒熱似瘧。非真瘧也。

官揀參

漂白朮

北柴胡

綠升麻

廣陳皮

上薄桂

當歸身

南木香

炙甘草

虛甚者。加熟附子。生薑大棗爲引。水煎服。

調元生脈散 治痘後手足冷。脈沉細。虛極之徵。

官揀參

炙黃耆

炒白朮

全當歸

大麥冬

北五味

青化桂

虛冷甚者。加熟附片生薑大棗爲引。水煎服。

導赤解毒湯 治痘後神昏妄語。餘熱未除也。

淮木通

懷生地

大麥冬

白茯苓

黑梔仁

上揀參

石菖蒲

炙甘草

燈心爲引

水煎服。

安神丸 治證同前。

真莊黃五分

正雅連炒三錢

當歸身五分錢

黑梔仁二分錢

共爲細末。以猪心血和勻爲丸。如菉豆大。硃砂爲衣。每五七丸。燈心湯下。

清神散火湯 治痘後毒邪未盡。忽然作搐。

淮木通

潤玄參

大麥冬

正川連

大當歸

官揀參

白茯苓

炙甘草

水煎去渣。以辰砂末調服。大便秘者。微加酒。大黃。自利者。倍人參。當歸桂枝湯。治痘後血少。手足拘攣。不能轉運。

官揀參

當歸身

正川芎

白芍藥

炙黃耆

漂蒼朮

川黃蘗

炙甘草

氣虛肢冷。加附片。感冒風寒。以致筋骨痛。加羌活。大虛者。加鹿茸。虎脛。淮牛膝。薑棗爲引。水煎。微加米酒一杯。對服。

寧肺湯。治痘後邪火未退。侵擾肺臟。致令咳嗽。

淨知母

牛蒡子

北沙參

懷生地

地骨皮

大麥冬

熟石膏

生阿膠

信前胡

杭白芍

炙甘草

新桑葉七片

枇杷葉引一片

水煎。入竹瀝對服。

加味五皮湯。治痘後面目浮。四肢腫。

川羌活

五加皮

漂蒼朮

桑白皮

上薄桂

北防風

淮木通

漢防己

結猪苓

炙甘草

生薑皮

燈心爲引

水煎熱服。

厚樸湯 治痘後腹脹如鼓。眼胞腫。由水溼飲食所致。

漂蒼朮

川厚樸

廣陳皮

結猪苓

大腹皮

茯苓皮

生薑

大棗爲引

因於食者。加六神麴。山查肉。京三稜。蓬莪朮。小枳實。

水煎熱服。

萊菔子丸 治痘後虛脹。面脣白。四肢冷者。

萊菔子

炒五錢
另研

洋胡椒

厚樸煎湯浸過
曬乾用二錢

漂白朮土炒
二錢

共爲末。蜜丸。每服一錢。陳皮湯下。

加減導赤散 治痘後餘熱鬱積膀胱。小便赤澀。

淮木通

車前子

瞿麥穗

白滑石

赤茯苓

黑梔仁

淡竹葉

燈心爲引

水煎熱服。

清腸丸 治痘後大便秘結與枯氣弱也。

當歸尾

懷生地

火麻仁

光桃仁

萊菔子爲引

水煎熱服。

建中湯 治痘後陽虛自汗醒眼而出者。

柳楊桂

白芍藥

當歸身

炙黃耆

炙甘草

生薑

大棗爲引

水煎熱服。

當歸大黃湯 治痘後陰虛盜汗睡着而出者。

當歸身

懷生地

懷熟地

炙黃耆

片黃芩

酒黃連

酒黃蘗

小麥一撮

水煎熱服。

涼血地黃湯 治痘後毒火流行。傷陰動血。

真雅連

當歸尾

懷生地

黑元參

炒桃仁

生甘草

鼻血加絲茅根新桑葉。吐血加熟石膏淨知母乳童便香附米。尿血加淮木通白滑石。便血加北秦艽槐角子荆芥穗。不止加蒲黃茸生藕節側柏葉。

蓮蓬殼燒灰爲引。水煎服。

黃連止熱湯 治痘後吐衄。此卽仲景烏梅丸之變劑。

官揀參

漂白朮

川附片

川黃連

川黃蘗

肥烏梅

真黎椒

淨水濃煎。人參湯對服。

洗心散 治痘後走馬牙疳。并赤口瘡。白口瘡。

川黃連

當歸尾

懷生地

錦莊黃

淮木通

南薄荷

淨連翹

牛蒡子

生甘草

燈心爲引根

水煎熱服

蠶蛻散 治痘後走馬牙疳。以此吹之。

蠶蛻紙煨灰一錢

枯白礬二錢

人中白取久年者火煨二錢五倍子二錢

共爲末。洗淨敗血。以此藥搽之。

陰陽散 治痘後赤口瘡。

正川連二錢

黑炮薑一錢

共炒研細末。用茶洗淨敗血。以此藥敷之。

硃礬散 治痘後白口瘡。

鏡辰砂一錢

枯白礬一錢

共研爲細末。用茶洗口瘡。以此藥敷之。

參苓白朮散 治痘後飲食不爲肌膚。

官揀參二錢

漂白朮二錢

白雲苓二錢

真廣皮二錢

懷山藥五分

南木香一錢

六神麴一錢

杭青皮一錢

共爲末。米飲調服一錢。陰日服此。

當歸益榮丸 治證同前。

當歸身一錢 正川芎一錢

正川連錢五分 真蘆薈二錢二分 蒸焙

使君肉

七粒炒齊

共爲末蜜丸。米飲下。陽日服。

婦女痘疹證治歌

凡十二首共十一方

女人痘疹最難醫。陰質從來血易虧。待得疹瘡將發日。只愁天癸有常期。
止理論云。嬰兒女子。益以茲甚。以女人陰質。血常不足。痘疹始終以氣血爲主。一
或不足。則變生焉。故女子十四歲已後。有出痘疹者。常恐天癸之行。血走氣虛。每
成伏陷。

發熱經行非正時。火邪迫血血奔馳。急須涼血停爲美。莫待中虛悔却遲。
痘疹發熱。經血妄行。却非天癸之期。此毒火內蘊。擾亂血海。迫經妄行。月事不以
時下。宜玄參地黃湯。或四物合黃連解毒湯。以涼血爲主。必欲其止。如久不止。中

氣虛弱。致生陷伏者有之。

發熱時逢經水行。毒邪已解。污方清。過期不止。須當慮。補氣溫經。熱自平。發熱之時。經水適逢其期。此積污得去。毒亦輕解。須治之。若過四五日。尚不止。以熱邪乘血室之虛。迫血妄行。宜先服小柴胡。如生地黃湯。以清血室之熱。後用十全大補湯。以補氣血之虛。令其出勻。易壯易醫。

適逢發熱。經期斷。血室空虛。怕煩懣。若然。譫妄神不清。熱入子宮。醫莫緩。發熱時。經水適斷。宜早服柴胡四物湯。以防血室空虛。毒邪乘虛而入。致生他疾。若已憎寒壯熱。神識不清。妄誕見聞。言語錯亂。此爲熱入血室。宜四物湯合導赤散。與安神丸相間服之。

女子居經日已賒。豈堪痘疹證來加。却愁血海停污垢。猶慮胞門隱毒邪。女子經閉。謂之居經。滿而不瀉。病在心脾。經曰。二陽之病。發心脾。女子不月。痘疹之毒發於心。又以脾爲主。心脾先病。血室不行。衝任之間。已多積垢。一日痘疹之火。鬱於命門胞戶之中。當出不出。毒邪留伏。致生乖戾者有之。故發熱之初。卽當滌除停垢。以桃仁承氣湯主之。後以四物湯合勻氣湯調理之。

崩漏多時血已枯。瀉而不滿有餘無。豈堪當此天行痘。濟弱扶傾在吸呼。女子一向崩漏未止。氣血已虛。若當天行痘疹。必不能任其毒。惟宜大補氣血爲主。十全大補湯。痘出灰白。平陷難發難靨者。更加熟附三錢。

起發成漿忽動經。氣隨血散豈能停。食多胃足無他慮。不食須防陷伏形。痘既出現已後。最宜表裏俱實。飲食能多。若當起發胞漿之時。天癸忽動。人但知恐被穢氣觸犯正氣。不知自身之血不足爲厭。但血出而氣亦虛。毒邪乘虛陷入於裏。惟元氣素壯能食者。必無是變。如氣虛食少之人。未有不成陷伏者。宜十全大補湯主之。虛甚者。加熟附鹿茸。

經行暴啞毒邪侵。血出津枯卒失音。養血通心言語出。一朝聲價値千金。女子出痘經水忽行暴啞不能言。蓋心主血。舌乃心之苗。血去則心虛。心虛則少陰之脈不能上榮於舌。故卒失音不語。先以當歸養心湯。養其心血。利其心竅。自然能言。以十全大補湯調之。

起發經行證已乖。內虛伏陷早安排。藥靈中病終須吉。證逆違師事不諧。月事大行。其瘡不起發。不光壯。不飽滿。不紅活。頂平陷。灰白色。或青乾黑陷者。此

裏虛之候。痘後陷入也。宜十全大補湯。與奪命散。相間服之。其痘胖壯紅綻。或痘空中再出一番。乃大吉之兆。若加肺脹喘滿。譫妄悶亂。寒顫咬牙。手足厥冷。必死也。

妊娠出痘有真傳。惟有安胎法最先。不可令胎輕觸動。胎元觸動。命歸泉。孕婦出痘。始終以安胎為主。不可妄安其胎。其初發熱。以參蘇飲發之。痘出現後。多服安胎飲爲佳。起發收靨。進十全大補湯去肉桂。

痘正豐時。產正臨。幾人得法。有規箴。滌除惡露。休輕易。補益元神。功效深。孕婦出痘。正當盛時。忽臨正產。只以大補氣血爲主。十全大補湯。若腹中微痛。此惡露未盡也。宜用生化湯滌去之。

產後如逢出痘。此時胎去。免憂惶。只憑補益收功效。莫犯寒涼。生氣傷。婦人產後出痘。只以大補氣血爲主。十全大補湯。貢白芍用好酒炒熟。不可妄用寒涼。以傷生發之氣也。

入方

玄參地黃湯 治婦女痘疹作熱。經水不依期而至。此妄動也。

懷生地

潤玄參

綠升麻

粉丹皮

黑梔仁

炒蒲黃

生甘草

燈心爲十葉引

水煎熱服。

四物合黃連解毒湯

治證同前。次盛毒重者。用此。

當歸身

懷生地

杭白芍

正川芎

正雅連

川黃蘗

條黃芩

黑梔仁

淨水濃煎熱服。

小柴胡加生地黃湯

治婦女痘初作熱。正值經期。若四五日不止。宜清血熱。

官揀參

軟柴胡

小條芩

法半夏

懷生地

炙甘草

生薑一片

大棗一枚

水煎熱服。

十全大補湯

治婦女痘疹發熱。經行之後。當補之。以免陷伏。

官揀參

漂白朮

白雲苓

當歸身

正川芎

杭白芍

懷熟地

炙黃耆

青化桂

炙甘草

生薑一片

大棗二枚

水煎溫服。

柴胡四物湯

治婦女經血方淨。適逢痘疹作熱。宜升提。

官揀參

軟柴胡

小條芩

當歸身

正川芎

懷生地

杭白芍

地骨皮

杭麥冬

光知母

淡竹葉

生薑一片

水煎熱服。

四物合導赤散

治婦女經後出痘。熱入血室。神識不清。譫妄。

全當歸

正川芎

杭白芍

懷生地

川木通

懷熟地

炙甘草

燈心十根

水煎熱服。

安神丸

治證同前。與前方間服。

真川連五錢

全當歸五錢

杭麥冬五錢

白雲苓五錢

炙甘草 五分

鏡辰砂 一錢

梅花片 二錢五分

共爲細末。以臘猪心血搗和。少加煉蜜杵千餘下。爲丸芡實大。每服一丸。燈心湯下。

桃仁承氣湯 治婦女經閉日久。正值痘臨。宜疎去垢穢。免留生變。

大桃仁 二十粒皮尖研碎 川莊黃 二錢酒浸

鮮紅花 一錢

桂枝尾 五分

生甘草 五分

先煎大黃桂枝紅花甘草。湯成去滓。入桃仁泥化開。空心服。

四物合勻氣散 治疏通經水之後。以此調其氣血。

當歸身

川芎 窮

京赤芍

懷生地

南木香

京查肉

炙甘草

水煎。不拘時服。

十全大補湯 方見前。

當歸養心湯 治婦女痘疹經行之後。忽然暴啞。

官揀參

大揀冬

全當歸

綠升麻

懷生地

炙甘草

燈心二十根爲引

水煎溫服。

奪命丹 治痘方起發。正值經期。其血大下。以致陷伏。以此與十全大補湯間服。

淨麻黃蜜酒炙

綠升麻各三錢

山豆根

鮮紅花

牛蒡子

淨連翹各二錢五分

淨蟬蛻

紫草茸

人中黃各三錢

共爲細末。蜜酒和丸。芡實大。每服二丸。薄荷葉煎湯化服。

參蘇飲 治孕婦出痘。發熱之初。以此疏通腠理。

官揀參

紫蘇葉

芽桔梗

粉乾葛

信前胡

廣陳皮

白雲苓

陳枳殼

南木香

炙甘草

生薑一片

紅棗一枚

水煎服。

安胎飲 治孕婦痘已出現。以此固其胎氣。

揀人參

漂白朮

實條芩

懷熟地

正川芎

全當歸

杭白芍

西砂仁

老蘇葉

廣陳皮

炙甘草

生薑三片

紅棗三枚

水煎溫服

生化湯 治孕婦出痘。適逢正產。產後腹痛。惡露未盡。

當歸身五錢

正川芎二錢

光桃仁三十粒

黑炮薑一錢

炙甘草一錢

淨水濃煎服。

麻疹骨髓賦

麻雖胎毒。多帶時行。節氣寒溫。非令男女傳染而成。其發也與痘相似。其變也。比痘匪輕。愚夫愚婦。每視爲泛常。若死若生。總歸於天命。不知毒起於胃。熱流於心。始終之變。腎則無證。臟腑之傷。肺則尤甚。閉戶問途。何苦出門尋徑。揚湯止沸。不如去火抽薪。初時發熱。儼似傷寒。目出淚而不止。鼻流涕而不乾。咳嗽太急。煩

躁難安。以火照之。隱隱皮膚之下。以手抹之。亭亭肌肉之間。其形若疥。其色若丹。隨出隨沒。乍穩乍現。根窠若腫兮。麻而兼癰。皮膚若赤兮。麻以夾斑。似錦而明兮。十有九吉。如煤而黑兮。百無一痊。

麻毒最重。治法不同。微汗常出。熱勢越而不留。清便自調。毒氣行而無壅。腠理拂鬱兮。卽當發散。腸胃祕結兮。急與疏通。苟視大而若細。恐變吉而爲凶。故衄血不必憂。邪從衄解。利血不必止。毒以利鬆。所喜者身中清涼。可畏者咽中腫痛。飲水不休。法在生津養血。飲食若減。方須清胃和中。又如出之太遲。發表爲貴。出之過甚。解毒堪宜。毋伐天和。當視歲氣。寒威凜凜。毒勢鬱而不行。火熱炎炎。邪氣乘而作癰。或施溫補。勿助其邪。若用寒涼。休犯其胃。制其過。但取其平。誅其暴。必欲其正。遠寒遠熱。陰陽之勝負不齊。貴實貴虛。人稟之強弱或異。麻疹旣出。將息尤難。坐臥欲暖。飲食宜淡。風寒若襲兮。爲腫爲熱。鹹酸不禁兮。爲欬爲喘。異氣縱感。變證宜參。便多膿血兮。倉廩血熱。欬多涎法兮。華蓋傷寒。口爛脣裂。心火未退。皮焦髮槁。榮衛將枯。苟不詳於臨證。何以見其折肱。

癰疽俗呼癰子。蓋因火毒熏蒸。硃砂紅點偏身。形發自胃經一定。切忌黑斑死證。最宜赤似朱櫻。大都治法喜涼清。不許辛甘犯禁。癰疹因何欬嗽。蓋由肺胃相連。肺金被火苦熬煎。以致咳嗽氣喘。治法清金降火。不宜誤用辛甜。蒸籠包子譬如然。只要氣鬆火遍。癰疹如何辨認。分明狀似傷寒。此多咳嗽有紅斑。噴嚏眼中水現。或見腹疼陣陣。或時吐瀉相兼。癰疹吐瀉不須嫌。正要毒除熱減。癰與痘瘡異治。二家不可同方。痘宜溫解疹宜涼。又要現形爲上。若受風寒不出。其間吉凶難量。急宜發散保安康。最怕神昏腹脹。大凡癰疽未出。詳看天令如何。假如日暖又風和。敗毒荆防堪可。若是時行疫癘。芩連消毒宜多。用心調理救沉疴。坐井觀天莫學。且論荆防敗毒。真爲發散仙方。荆防生地要相當。酒炒芩連二樣。桔梗人參甘草。連翹牛蒡無雙。玄參酒藥妙真良。竹葉升麻停當。又有芩連消毒。散火解毒尤佳。芩連梔子及升麻。桔梗石膏多把。甘草人參知母。連翹牛蒡紅花。引尋竹葉要多加。此個方兒無價。

發散仍前不出。令人真個憂疑。麻黃酒蜜炒。如煤。梔葉芩連一例。更着大黃酒炒。連翹葶子相宜。石膏蟬蛻最爲奇。不效命難再立。如見出時紫黑。此般自古多凶。急求人尿路朝東。火煨成灰取用。研碎酒調吞下。須臾黑變爲紅。若還依舊黑朦朧。縱有神丹何用。麻已現形發熱。化斑湯用爲先。石膏甘草及人參。桔梗連翹靈驗。若是毒多熱甚。芩連消毒真傳。大腸祕結大黃添。務用微通數遍。麻疹類多咽痛。火邪熏燦無他。連翹甘桔要多加。牛蒡射干同下。外用十宣妙散。吹喉休要吁嗟。假如藥後有爭差。消毒芩連妙也。麻疹再兼瀉痢。預先用藥調醫。瀉時減桂五苓宜。加上甘草滑石。如是痢兼赤白。香連九子相隨。大端痢止便爲奇。不效令人疑忌。麻咳聲聲氣促。只消降火清金。赤苓梔子併黃芩。桔梗石膏靈應。知母人參地骨。瓜蒌查子玄參。麥冬牛蒡妙如神。竹葉將來作引。麻後切防四證。因循多致誤人。遍身久熱欠清寧。咳嗽連聲牽引。牙齒疳生走馬。痢下赤白難禁。各求方法貴精純。始是醫家絕品。

爲甚身中壯熱。只因餘毒連綿。金花丸子用芩連。龍膽梔仁堪羨。鬱金雄黃解毒。
燈心地骨湯煎。若還脾弱熱長延。集聖胃苓任選。
咳嗽頻頻不止。或因不忌酸鹹。又加火毒肺家延。尤恐胸高氣喘。體實兼行葶藶。
神虛清肺爲先。如斯調理保安痊。莫向風波弄險。
葶藶丸除肺熱。杏仁防己爲奇。牽牛葶藶棗相隨。萊菔共研成劑。清肺神丹降氣。
鹽湯煮焙陳皮。芩連甘草杏仁泥。蘇子同丸甚美。
口齒生瘡臭爛。此名走馬牙疳。金花丸子好求安。外用除疳妙散。先取尿缸白垢。
火繞白色如鹽。更將五倍銅綠添。砒棗燒灰靈顯。
赤痢下時鮮血。黃連柏葉槐花。枳殼荊芥穗同加。痢止血除方罷。白痢吳萸滑石。
榴根枳殼升麻。烏梅取肉作丸佳。赤白香連可下。
四疾更防死證。臨門休要殊差。兒多體熱瘦如麻。咳嗽面青聲啞。走馬脣穿齒落。
痢多禁口吁嗟。此般卽是死冤家。任是神仙也怕。

麻疹證治歌

凡二十五首
共二十九方

痲爲胎毒發於心。胃腑相連熱毒侵。咳嗽鼻中清涕出。且觀雙目淚淋淋。痘痲皆胎毒所爲。毒者火也。痘爲少陽相火。陽道常饒。故痘大而掀腫。痲乃少陰君火。陰道常乏。故痲小而碎密。心火旺則肺受之。故治痲當以肺爲主。凡咳嗽者。火炎於肺也。鼻流清涕者。以火燦金而液自流也。目中淚出。乃肺熱移於肝也。凡手指眉目鼻面者。肺熱證也。

凡遇冬溫最不祥。民多疫癘發瘡瘍。若逢癰疹相傳染。可用湯丸預解良。春溫夏熱秋燥冬寒。此四時之主氣也。冬應寒而反溫。陽先暴泄。火令早行。人感其氣。至於來春。必生瘡疹。未出痘痲者。必感而發。雖曰胎毒。未有不由于天行癘氣。故一時傳染。大小相似。但見痲疹之出。宜服代天宣化丸。方見前痘疹總略以預解之。可使毒徹。不爲己甚者。

痲出須明歲氣先。忽輕汗下致顛連。察人虛實施方法。暗損天和壽不堅。痲初發熱與傷寒相似。但痲疹則面頰赤。咳嗽噴嚏。鼻流清涕。目中淚出。呵欠喜睡。或吐瀉。或手搯眉目鼻面。宜升麻葛根湯。方見前條不可作傷寒。妄用汗下也。汗之則增其熱。爲衄血。爲咳血。爲口瘡咽痛。爲目赤痛。爲煩躁。爲大小便不通。下

之則虛其裏。爲滑泄。爲帶下。經曰。必先歲氣。毋伐天和。此之謂也。

痲毒清涼痘喜溫。須知痲痘不同門。痲苗痘實無人解。寒熱宜分未可渾。痲喜清涼。痘喜溫暖。此法人皆知之。然痲疹初發。亦宜和暖。則易出。所以發苗之初。只要發出得盡。則毒便解矣。若痘必苗而秀。秀而實。毒斯解也。然成實之時。若太溫熱。則反潰爛不收。是痘後亦宜清涼。故治痘痲。無過熱無過寒。溫涼得宜。陰陽自和。是爲得之。

痲毒從來不可留。出完毒解便無憂。腹中脹痛邪猶在。喘促昏迷命必休。痲痘只怕不能得出。若出盡。毒便解矣。凡痲疹發熱之時。當審時令寒暄。以藥發之。如時令大寒。以桂枝葛根湯發之。大熱。以升麻葛根湯合人參白虎湯發之。不寒不熱。以荊防敗毒散發之。如兼疫癘時行。以人參敗毒散發之。外以胡荽酒。用苧麻蘸酒。遍身搽之。務令亟出。若發而不出。反加腹中脹痛。氣上喘促。昏悶譫妄者。死證也。

過期不出勢淹延。毒伏身中未得宣。急用透肌休怠玩。豈堪臟腑受熬煎。發熱六七日已後。明是痲證。却不見出。此皮膚堅厚。腠理閉塞。又或爲風寒襲之。

曾有吐瀉。乃伏也。急用發表之劑。麻黃湯去杏仁加蟬蛻升麻。外以胡荽酒散麻刮之。如前未更衣者。毒甚於裏。伏而不出。涼膈散加牛蒡子發而解之。再不出者。死證也。更友謂大便也。

肺爲華蓋。臟稱嬌。毒火炎蒸。津液消。喘嗽連聲。痰唾少。急須清潤救枯焦。麻疹初發熱時。未見出現。咳嗽百十聲不已。上氣喘急。面浮目胞腫。時臥時起。此火毒內蒸。肺葉焦舉。宜甘桔湯加石膏。知母牛蒡子主之。

火熱熏蒸。汗不停。毒邪併迫。血違經。汗多衛表邪從解。血去榮中毒少寧。麻疹發熱自汗。或鼻血出。不須止之。亦發散之義。故汗者毒從汗散。衄者毒從衄解。但不可太過。如汗太多。人參白虎湯。合黃連解毒湯清之。衄太甚。玄參地黃湯涼之。

發熱忽然生吐瀉。由他頻出不須怕。腸胃停污自此清。胞胎之毒全消化。麻疹發熱吐瀉。純是熱證。不可作寒論。乃火邪內迫。毒在上焦則吐。毒在下焦則瀉。毒在中焦則吐瀉並作。單瀉黃芩湯。吐而兼瀉黃芩加半夏湯。自利裏急後重。黃連解毒湯合天水散。

毒氣熏蒸氣上騰。咽喉自此痛頻增。從來痲痘多斯證。解毒清咽效自能。
痲痘咽痛。本爲常候。乃火毒熏蒸而痛也。勿與喉痺同論。妄用鍼刺。蓋喉痺之證。
內作癰腫。故宜以鍼決去惡血。痲痘只是咽乾作痛。宜甘桔湯。或鼠粘子湯。細細
嚥之自愈。

痲毒如焚。飲水饒。炎邪未許一盃澆。咽喉急燥。心家熱。津液頻枯。胃腕焦。
痲疹渴喜飲水。純是火邪。肺焦胃乾。心火內熾故也。初痲熱作渴。升痲葛根湯。方見前
加天花粉麥門冬。渴甚。人參白虎湯合黃連解毒湯。方見前

一齊湧出。莫驚惶。頃刻渾身朱錦莊。似痘出時。還又沒。如癍紅處。却成瘡。
痘疹貴三四次出。謂出勻。痲疹貴一齊湧出。謂出盡。痲疹只要得出。便輕減。以火
照之。遍身如塗朱之狀。此將出之兆。出形細密。與痘疹細密者相似。痲疹粒粒成
瘡。非若癍之皮紅成片。如蚊咬之迹也。

痘瘡赤艷。癍來攻。痲見紅鮮。毒得鬆。白色血虛。猶可療。黑斑惡證。莫相逢。
痘瘡之色。不可同論。大抵痘怕太紅。皮嫩易破。必生瘙癢。痲喜通紅。痲發於心。紅
者火之正色。若痲色淡白。心血不足。宜養血化斑湯主之。色太紅艷。或微紫。或出

太甚。並宜大青湯。黑者死證也。

麻疹之出沒合陰陽。出以溫利沒以涼。連出不收陽氣盛。遲遲間出是陰強。麻疹出沒。當以六時爲准。假如子後出。午時卽收。午後出。子時卽收。乃陽生陰成。陰生陽成。造化自然之數。凡此旋出旋收者。輕。若一出連綿三四日不收。乃陽毒太甚。大青湯解之。方見前。逡巡不前。乃風寒外束。皮膚閉密。宜荊防敗毒散。方見前。麻出渾身似火燒。毒邪壅甚急難消。解肌只許皮膚暖。救裏還期便溺調。麻疹欲出。則遍身發熱。或煩躁。或頭眩。或身拘急。及旣出。則身卽清涼。諸症悉解。此一層麻疹隨收矣。如麻旣出。熱甚不減。此毒壅遏。宜大青湯。方見前。以解其表。小便瀉。大連翹湯以解其裏。大便秘。涼膈散加牛蒡子。

麻瘡出盡得安和。毒未清時奈若何。拂拂熱煩邪尙熾。頻頻嘔瀉毒猶多。凡麻疹只要出得盡。則毒邪解散。正氣和平。如拂拂發熱。煩悶不寧。如蛇在灰。如蚓在塵之狀。或嘔吐。或泄瀉。此毒邪壅遏。尙未出盡。煩熱。黃連解毒湯。嘔瀉。黃連橘皮湯。二者並外用胡荽酒。以苧麻蘸酒搽之。方見前。待麻出盡。則煩熱自除。嘔瀉自止矣。

癰毒流殃爲伏邪。幾經惡候致嗟呀。雖然疫癘由天降。也是因循人事誤。癰疹欲出未出之時。卽當早爲發散。以解其毒。庶無餘災。若不預解使之盡出。以致毒蓄於中。癰後必爲壯熱。日久枯痺。或成搐搦。或爲痢疾。或咳血喘促。或作疳蠱而死。此雖一時疫癘之染。未有不由于人事之未盡。

癰後連日熱不除。蒸蒸煩躁。髮毛疏。肉消骨立。成疳瘦。幸有良工藥可茹。癰疹收後。身有微熱。此虛熱也。不須施治。待氣血和暢。自然清涼。若熱太甚。或日久不減。以柴胡麥冬散清之。如髮枯毛豎。肉消骨立。漸漸羸瘦。柴胡四物湯主之。發熱無休。神漸昏。忽然瘈瘲乍驚。魂莫將瘕病同調治。退熱涼心。命可存。癰後熱不除。忽作搐搦。不可稱爲驚風。而用風藥。宜導赤散加人參麥冬煎湯送安神丸。方見女人小便清者可治。短少者不可治。

癰毒殃流走馬疳。牙齦黑爛藥空含。穿喉漏頰聲音啞。早賦歸歟疾似駝。凡癰後牙齦黑爛。肉腐血出。息臭冲人。曰走馬疳。馬鳴散主之。若面頰浮腫。環白青黑。頰漏齒脫。脣崩鼻壞者。死證也。宜從卷四齒牙門參考。

癰後洩瀉名癰痢。晝夜無停真可異。勿輕却澀圖霸功。禁口毒深凶莫避。

麻後洩痢。日久不已。曰休息痢。不可妄用澀劑。以圖霸功。宜黃芩湯合六一散。煎送香連丸。若嘔吐不能食。謂之禁口。更加腸滑不止。或下鮮血。或如烟塵水者。死證也。

火炎胃火金遭迫。咳嗽百聲痰阻隔。胸高肩息目虛浮。擺手搖頭泉下客。麻疹收後微咳。此肺氣未平。不須調治。若咳轉甚。喘氣上逆。發則連綿不已。此肺中伏火。宜人參清膈散主之。身熱。門冬清肺湯主之。若咳久不止。面浮目胞腫。胸高而喘息。則聳肩。血自口鼻中出。面色或青或赤。鼻燥昏悶。搖頭擺手者。死證也。麻收禁忌切須防。鹽醋雞魚慎勿嘗。欲莫從心終是福。物多爽口定爲殃。麻後通禁雞魚炙燂鹽醋之類。須過七七之後。方可食之。惟宜食淡。不可縱口以遺後患也。

麻收無恙將平復。飲食如常未縱欲。心胸絞痛忽傾亡。疫癘侵凌名中毒。曾見痘麻收後。動止出入飲食如常。忽然心胸絞痛而死者。還是元氣怯弱。疫癘之毒乘之。正不能勝邪。伏於中外。若無病內已虧損。故一中而死。謂之中惡。嬰孩初離胎殼中。遍身斑駁似硃紅。胎中熱毒於今現。莫作時行麻疹攻。

凡小兒初生未滿月者。遍身紅點。俗呼奶痲子是也。此胎中受熱。故生下卽發現於皮膚。不可作時行痲毒論治。妄用湯劑。蓋臟腑嬌嫩。不能勝湯丸也。宜遡源解毒湯與乳母食之。

入方

桂枝葛根湯 治嚴寒時令。痲毒雖出。以此發之。

柳楊桂

粉乾葛

赤芍藥

綠升麻

炙甘草

北防風

生薑三片

淡豆豉爲一錢

水煎服。

升麻葛根合人參白虎湯 治炎天暑月。毒爲熱隔。以此涼解之。

綠升麻

粉乾葛

白芍藥

炙甘草

淨知母

熟石膏

上揀參

糯米爲一撮

水煎服。

荊防敗毒散 治天時不寒不熱。以此平解之。

上揀參

北柴胡

正川芎

芽桔梗

荊芥穗

白雲苓

陳枳殼

信前胡

川羌活

川獨活

北防風

炙甘草

薄荷五片

水煎熱服。

人參敗毒散 時逢疫癘流行。適值癰疹。以此涼解之。

官揀參

川羌活

川獨活

信前胡

北柴胡

川芎藭

白雲苓

陳枳殼

芽桔梗

炙甘草

生薑三片

水煎服。

胡荽酒俗名

治癰疹不出。以此發之。

胡荽四兩切碎。先以好酒二盃。壺內煎滾。方入胡荽在內。蓋定勿煎。勿令洩氣。

以苧麻蘸酒。遍身搗之。使癰易出。真神法也。

人參白虎合黃連解毒湯 治癰疹自汗太過。恐防衛弱。以此止之。

官揀參

淨知母

熟石膏

生甘草

正雅連

川黃蘗

條黃芩

黑梔仁

糯米爲一撮引

水煎熱服。

麻黃湯 治麻疹六七日。應出不出。或風寒閉塞。

淨麻黃

熟石膏

淨蟬蛻

綠升麻

炙甘草

葱白爲三寸引

水煎服。

涼膈散 治麻毒深重。裏氣不通而應出不出。

錦莊黃

白芒硝

淨連翹

黑梔仁

南薄荷

淡竹葉

甘草梢

水煎去渣加蜜三匙和服。

甘桔湯 治麻疹。胃火炎肺金。咳嗽面浮。應出不出。

生甘草

北桔梗

淨知母

熟石膏

牛蒡子

薄荷葉五片爲引

水煎服。

玄參地黃湯 治麻疹衄血太過。恐防傷陰。

潤玄參

懷生地

粉丹皮

黑梔仁

綠升麻

杭白芍

生蒲黃

生甘草

茅根七莖爲引

水煎熱服。卽絲茅根也。

黃芩湯 治麻疹發熱自利。

枯黃芩

白芍藥

炙甘草

大紅棗爲一枚

水煎熱服。

黃芩加半夏湯 治麻疹發熱吐瀉。卽前黃芩湯加半夏甘草。

黃連解毒合天水散 治麻疹自利裏急後重。欲作痢也。

正雅連

川黃蘗

枯黃芩

黑梔仁

飛滑石

炙甘草

淨水濃煎。空心滾熱服。

柑桔湯 治麻疹咽喉疼痛。飲食艱難。

生甘草

君

芽桔梗

牛蒡子

燈心十莖
爲引

水煎服。

鼠粘子湯 治證同前。稍重者用此。

鼠粘子

炒

綠升麻

鮮射干

生甘草

燈心爲引

水煎熱服。

養血化斑湯 治麻疹色淡白。心血不足。

官揀參

當歸身

懷生地

鮮紅花

淨蟬蛻

生薑

大棗爲引

水煎服。

大青湯 治麻疹色太紅。或微紫。或出太甚。

潤玄參

懷生地

熟石膏

淨知母

川木通

地骨皮

鮮大青

荊芥穗

生甘草

淡竹葉十二片
爲引

水煎熱服。

大連翹湯 治麻疹既出。熱盛不減。小便短濇。

淨連翹

北防風

瞿麥穗

荊芥尾

淮木通

車前子

當歸尾

北柴胡

淨蟬蛻

赤芍藥

枯黃芩

白滑石

黑梔仁

紫草茸

燈心爲引

水煎熱服。

黃連解毒湯

治麻疹出後。仍發熱煩躁。痲出未盡也。

川雅連

川黃蘗

黑梔仁

枯黃芩

淨水煎滾熱服。

柴胡橘皮湯

治麻疹熱邪未盡。痲未出完而兼吐瀉。

官揀參

軟柴胡

廣陳皮

枯黃芩

法半夏

白雲苓

竹茹一團

生薑爲一片

水煎服。

柴胡麥冬散

治麻疹收後。大熱不退。毒未出盡也。

官揀參

軟柴胡

北沙參

大揀冬

潤玄參

龍膽草

炙甘草

燈心爲一團

水煎。熱服。

柴胡四物湯

治麻疹收後。發熱不退。毛焦肉削。

官揀參

北柴胡

枯黃芩

當歸身

正川芎

懷生地

杭白芍

地骨皮

杭揀冬

淨知母

淡竹葉

桑葉爲三片

水煎服。

導赤散 治麻疹後熱不除而作搐。

懷生地

淮木通

麥門冬

生甘草

淡竹葉爲七片

水煎服。送安神丸。方見婦女痘疹條。

馬鳴散 治痲後牙齦潰爛。臭氣衝人。

馬鳴蛻 即蠶蛻也。火燒過。存性。二錢五分。

人中白 即尿桶后括取。火煨如鹽。五錢。

五倍子 二錢

白明礬 二錢。將礬打。成塊。插入五倍子。火煨。以礬枯為度。

共為極細末。以米泔水洗口。然後敷此。

黃芩湯合天水散 治痲後患痢。日久不已。仍宜清解。

枯黃芩

杭白芍

白滑石

粉甘草

大棗 一枚。為引。

水煎熟。去滓。送後香連丸。

香連丸 治證同前。

黃雅連 一兩。以吳茱萸五錢。同炒。去吳茱萸。不用。

南木香 五錢。研細末。

廣陳皮 五錢。

建蓮子 去心皮。一錢五。

共為細末。醋打神麴糊為丸。如菉豆大。每服一錢。

人參清膈散 治痲後咳嗽日久。連綿不已。

官揀參

北柴胡

當歸身

杭白芍

淨知母

鮮桑葉

漂白朮

白雲苓

炙黃耆

地骨皮

枯黃芩

白滑石

熟石膏

生甘草

生薑

爲一片

水煎服。

門冬清肺湯

治痲後咳嗽不已。身熱而煩。

天門冬

麥門冬

淨知母

鮮桑葉

懷生地

枯黃芩

地骨皮

信前胡

北沙參

炙甘草

燈心

爲引

水煎服。

遡源解毒湯

治乳子出胎後。遍身奶痲。

大當歸

懷生地

正川芎

杭白芍

北沙參

正川連

廣陳皮

上揀參

淮木通

淨連翹

生甘草

水煎。乳母服之。不可令兒服。

